

SAMOA

Faatulagaina o Aiaiga

- | | |
|---|--|
| <p>1 Igoa puupuu ma le amataga</p> <p>2. Faamatuu atu ma le faatatauina o le \$5,779,669 mai le Faaputugatupe a le Matagaluega o Tupe</p> | <p>3. Faaititiga o aofaiga sa uluai faatatauina ma toe faasoasoa atu i isi galuega faitino ma galuega faitino laiti</p> <p>Faamatalaga</p> |
|---|--|

2008, Nu. 22

O SE TULAFONO e faatagaina ai le tuuina atu ma le faaaogāina o nisi aofaiga o tupe mai le Faaputugatupe a le Matagaluega o Tupe i Galuega Faatino ma Galuega Faatino Laiti a Matagaluega, ma Galuega Faatino e tuuina atu i Isi Vaega ma Galuega e avea ai ma Sui o le Malo mo le Tausaga Faale-tupe e faaiuina i le aso 30 Iuni 2008 (ua taua iinei o le tausaga faale-tupe 2007/2008).

[24 Iuni 2008]

UA FAIA e le Fono Aoao Faitulafono a Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua leni Tulafono o le Tulafono o le Faatatauina o Tupe Faaopoopo (Nu.2) 2007/2008 ma e tatau ona faitauina faatasi ma avea ai

ma vaega o le Tulafono o le Faatatauina o Tupe 2007/2008 (ua taua iinei o le Tulafono Autu).

(2) O aiaiga o le Fuaiupu 2 ma Faamatalaga i lenei Tulafono e faasino i Galuega Faatino ma Galuega Faatino Laiti a Matagaluega, Galuega Faatino e tuuina atu e Isi Vaega ma Galuega e avea ai ma Sui o le Malo mo le tausaga faale-tupe 2007/2008.

(3) O lenei Tulafono e tatau ona amata faamamaluina i le aso e tuuina i ai le maliega a Le Ao o le Malo.

2. Faamatuu atu ma le faatatauina o le \$5,779,669 mai le Faaputugatupe a le Matagaluega o Tupe-(1) E mafai ona tuuina atu mai le Faaputugatupe a le Matagaluega o Tupe ma faaaogāina i Galuega Faatino po o Galuega Faatino Laiti e tuuina atu e matagaluega taitasi, Galuega e tuuina atu e Isi Vaega ma Galuega e Avea ai ma Sui o le Malo mo le tausaga faale-tupe 2007/2008 ni aofaiga e lē sili atu i le aofaiga e \$5,779,669 e aofia ai ma aofaiga ua faatatauina i totonu o le fuaiupu 3.

(2) O aofaiga ua faatagaina ina ia faaaogā i lalo o le faafuaiupu (1) ua faapea ona faatatauina eseese e tusa ai ma galuega faatino po o galuega faatino laiti o le a tuuina atu e Matagaluega taitasi, ma Galuega Faatino e tuuina atu e Isi Vaega ma Galuega e Avea ai ma Sui o le Malo i le faiga ua faamaoti mai i totonu o le Faamatalaga Muamua o lenei Tulafono.

3. Faaitiitiga o Aofaiga sa uluai faatatauina ma toe faasoasoa atu i isi galuega faatino ma galuega faatino laiti-(1) Ua teuteuina le Tulafono Autu i le faatagaina o le faaitiitiga o le aofaiga e \$3,451,916 mai Matagaluega ua taua ma ina ia tusa ai ma aofaiga ua faatulagaina i totonu o le Faamatalaga Lona Lua o lenei Tulafono.

(2) O le aofaiga e \$3,451,916 ua faapea ona faatatauina nei ma toe faasoasoa atu i Matagaluega ma Galuega Faatino i le faiga ua faamaoti mai i totonu o le Faamatalaga Muamua o lenei Tulafono ma e tatau ona avea o se faaopoopoga i tupe na uluai faatatauina.